



**Aningaasaqarnermut Aatsitassanullu
Naalakkersuisoq
-/ Maani**

Ulloq: 13. september 2016

J.nr.: 01.31.06/16-00730

**Ilaasunik angallassinermut kiffartuussinissamut isumaqatigiissutit nutaat. - Suliaq nr.
01.31.06/16-00730**

Naalakkersuisut **inassutigaat**,

”Ilannussaq 5 naapertorlugu ilaasunik angallassinermut tapiissutit pillugit konto pingaarnermut 72.20.05-imut ilaasortaliussat ilanngunneqassasut”.

Aningaasaqarnermut Ataatsimiititaliap oqaaseqaatai apeqqutaalu:

Kiffartuussinissamik isumaqatigiissutit siuliani taaneqartut isumaqatigiinniarnissamut piginnaatitsissut ataatsimiititaliamit uperpaaq akuerineqartoq aallaavigalugu suliarineqarput. Kiffartuussinissamik isumaqatigiissusiornissamut aningaasatigut sinaakkusiussat 2016-imi aningaasanut inatsimmut sanilliullugit allannguuteqanngillat, tamatumanili aningaasaliissutit ukiumut 1,7 mio. kr.-inik amerlineqarput, taamaalillunilu angallannermik suliassani tamani meeqqanut soraarnerussutisialinnullu akikillisaatit neqeroorutigineqarlutik.

Tamanna pillugu aningaasanut inatsimmi oqaasertaliussaq naapertorlugu kiffartuussinissamik isumaqatigiissutinut tapiissutit pingaarnerit tunngavilersuutaasut pingasut malillugit ornigassanut:

- Angallannikkut periarfissaqartussaangikkaluanut.
- Akit pissutigalugit angalasinnaassangikkaluanut amerlasuunut.
- Akuttunerusumillu tikineqartartussaagaluanut tapiissutaassapput.

Suliaq una ataatsimiititaliamit marloriarluni suliarineqarpoq suliarinninnernilu taakkunani marlunni suliamut isummernissani ataatsimiititaliap kinguartippaa. Inaarutaasumik akuersisutiginninginnermini apeqqutit arlallit Naalakkersuisunit akineqarnissaat ataatsimiititaliamit kissaatigineqarpoq. 2. september allagaqarluni meeqqat soraarnerussutisiallillu akikillisaatiniq neqeroorfigineqarnissaannik qulakkeerinnittumik aningaasanut inatsimmi nutaamik oqaasertaliussinissamik Naalakkersuisut inassuteqaataat ataatsimiititaliap akuersissutigaa. Tamatuma saniatigut apeqqutit annertunerusumik itisiliiffigineqarnissaannut Ineqarnermut, Sanaartornermut Attaveqarnermullu Naalakkersuisoq siunersiorneqarnissamut ulloq 12. september ataatsimiititaliamit aggersarneqarpoq. Apeqqullu kinguleruttoq tassaavoq tusarniaane-

rup, aningaasanut inatsimmi oqaasertaliussat naapertorlugit angallannermi isumaqatigiissutit ilusilersugaanerannut Inatsisartut oqaaseqarnissaannut qulakkeerinnittussap inaarneqarnissaa.

Kiffartuussinissamik isumaqatigiissutit sivitsorneqarnissaannik kingullermik suliarinninnermut atatillugu ataatsimiititaliamit kissaatigineqarpoq Naalakkersuisut isumaqatigiinniarnit ima siusitsigisukkut aallartissagaat upernaap ingerlanerani inaarlugit suliarineqareersinnaasunngorlugit. Taamaaliornikkut ingerlatsisut atuisullu ingerlatassamik pilersaarusiornissaannut piffissarissaarnerunissaat qulakkeerneqassammat. Tamatuma pisimannginnera ataatsimiititaliamit assut ajuusaarutigineqarpoq.

Suliassat marluk kiffartuussinissamik isumaqatigiissutit siunissami isumaqatigiinniutigineqarnissaanni pimoorullugit sulissutigineqartariaqartut ataatsimiititaliaq isumaqarpoq. Tamatumani pineqarpoq suliassaqarfimmi unammillernissamut periarfissanik siuarsaanissaq aammalu suliassaqarfiit kiffartuussinissamik isumaqatigiissuteqarfiusussat aammalu niuerneramik tunngaveqarluni ingerlatassat erseqqinnerusunngorlugit saqqummuinneqarnissaat, taamaaliornikkut Kalaallit Nunaanni ilaasunik angallassineq ataqatigiinnerusunngorlugu ataatsimoornerusunngorlugulu ataatsimiititaliamit takuneqarsinnaaqqullugu.

Aningaasaqarnermut Akileraartarnermullu Ataatsimiititaliap aalajangiinera

Oqaaseqaatit siuliani allassimasut tunngavigalugit ataatsimiititaliami amerlanerussuteqartut Siumumeersut, Demokraatineersut Atassummeersullu Naalakkersuisut paasisutissiissutaat tusaatissatut tiguaat, taamaalillutillu tusarniaaneq naammassisutut **isigalugu**.

Ataatsimiititaliami ikinnerussuteqartut Inuit Ataqatigiinneersut suliaq pillugu ima ikinnerussuteqarlutik oqaaseqarumapput:

Inuit Ataqatigiit nunatsinni angallannikkut silaannakkullu kiffartuussinissamut isumaqatigiissummut tunngatillugu pitsannuutit isumaqatigisavut tunuliaqutaaffigaavut. Imaatigut silaannakkullu angallannermik eqaallisaaneq aamma meeqqat utoqqaallu angallanneqarnerinut tapiineq, taamaalilluni pineqartut akikinnerusumik angalasinnaanerat isumaqatigaagut.


Isumaqatiginngilagut silaannakkut inunnik angallassineq annikillisaaffigineqarmat, taamatullu angallattut nassataannik kiffartuunneqarnerannillu ajorseriartitsinerit. Innuttaasunut pineqartunut angallanneq kipiluttunareersoq kiffartuussinissamut isumaqatigiissummi allannguutinit kipiluttunarnerusumik inissisimasoqalissaaq, ingerlatseqatigiiffiit assigiingitsuulernissaat pequtigalugu ingerlatseqatigiiffillu siulleq kinguaattoorpat angallanneqarnissamut tullianut ingerlaqqinnissamut ataqatigiissakkamik qulakkeerinnittoqareersimasannгимmat.

Inuit Ataqatigiit ikinnerussuteqarlutik oqaaseqaateqarnerat tunngaveqarpoq kiffartuussinermi ajorseriaatissat qulaani taaneqartut pillugit innuttaasut susassaqtullu sioqqutsisumik peqataatinneqannginnerat. Sulisoqarnikkut kiffartuussinikkullu apparsaanissaq taamaalilluni akileraarutitigut isertitanik apparsaasumik suliffissaaleqisullu amerlassusaanik annertusaginnartumik pisoqaratarsinnaanera mianernartoqarpoq.

Tamakku ernummatigisat pillugit isumaqatiginninniarnikkut Inuit Ataqatigiit naaperiarfis-

sarsioraluarpagut, paasisarpummi malillugu ataqatigiinnerusumik aaqqiinissamut periarfis-
saqartoqaraluarpoq, tamannalui Naalakkersuisuniit naalakkersuisooqatigiillu partiiviniit tikil-
luaqquneqanngimmat ikinnerussuteqarluta oqaaseqaateqarpugut.

Med venlig hilsen



Jens Immanuelson
Formand for Finans- og Skatteudvalget